

Առավոտ

Ռուբեն Կոստեմյան. «Ես ինձ աշխարհաքաղաքացի եմ զգում»

 Ամենակարևոր լուրերը Հայաստանից՝ Telegram-ում

 Նոյեմբեր 17, 2016 13:30  7

Հավանել 0 Կիսվել



Նոյեմբերի 30-ին «Գաֆէսճեան» արվեստի կենտրոնում կկայանա կանադաբնակ ջութակահար Ռուբեն Կոստեմյանի համերգը: Իսկ մինչ այդ ճանաչված երաժիշտը սիրով պատասխանեց «Առավոտի» հարցերին:

– Ինչո՞վ է առանձնահատուկ երեւանյան համերգը, եւ ի՞նչ ակնկալիքներ ունեք հայաստանցի ունկնդրից:



– Միրելի ունկնդրին խնդրում եմ, որ տեսագրություն եւ ձայնագրություն չկատարի համերգի ընթացքում եւ հնարավորության դեպքում չհագա, քանի որ դա ճնշում է կատարողներին: Մնացածը կախված է մեզանից...

– Դուք ալտահար Ալեքսանդր Կոսեմյանի որդին եք, Ձեզ պարտավորեցնում է Կոսեմյան ազգանունը:

– Որքան շատ ժամանակ է անցնում, այդքան ավելի եմ համոզվում, որ իմ հայրն առանձնահատուկ երաժիշտ եւ մանկավարժ է: Իր ձայնագրությունները Հայաստանի ազգային ռադիոյի ոսկե ֆոնդում են, աշակերտներն էլ մեծ հաջողությունների են հասել: Հայրս է ինձ սովորեցրել կատարողական արվեստի սկզբունքները, որոնց անդրադառնում եմ մինչեւ այսօր:

– Դուք սովորել եք եւ հանդես եք եկել հնչեղ անունների հետ, որեւէ տպավորիչ դրվագ կհիշե՞ք:

– Հետաքրքիր դրվագներ շատ կան, օրինակ, մի անգամ դիրիժոր Նուրիհան Արմանը (Կանադա) անսպասելի զանգահարեց ինձ եւ խնդրեց փրկել գալիք համերգը՝ փոխարինելով հիվանդ մենակատարին: Ծրագրում Վիվալդիի «Տարվա եղանակներն» էր: Ես այդ ժամանակ Մոնրեալում էի, ընդ որում՝ մինչեւ համերգն ընդամենը 3 օր էր մնում: Համաձայնեցի, չնայած երբեք չէի նվագել այդ ստեղծագործությունը: Բարեբախտաբար, համերգը փայլուն անցավ, բոլորը գոհ էին: Թերթում էլ գրեցին, որ ելույթ է ունեցել «brilliant violinist in russian tradition»:

– Հատկապես ո՞ր կոմպոզիտորների ո՞ր ստեղծագործություններն եք համարում ձեր այցեքարտը եւ ինչո՞ւ:

– Իմ համոզմամբ, ամեն գործ պետք է հասցնել լավագույն կատարողական վիճակին: Ունկնդրին շատ է դուր եկել Բրուխի «Շոտլանդական ֆանտազիան»՝ իմ կատարմամբ: Կարծում եմ, որ Բրամսի, Միրելիուսի եւ Ջուլթակի 22 այլ կոնցերտներ նույնպես մտնում են այդ ցանկի մեջ: Կցանկանայի Երեւանում նվագել դրանցից որեւէ մեկը:

– Խնդրում եմ մի փոքր խոսեք կայացած համերգներից...

– Մալայզիայում մեկ տարի առաջ նվագել եմ Չայկովսկու Ջութակի կոնցերտը, այնուհետև Թայվանի գրեթե բոլոր գլխավոր քաղաքներում կայացել են իմ մենահամերգները: Մեքսիկայում էլ եմ նվագել Չայկովսկու Ջութակի կոնցերտը եւ ձայնագրել Սեն-Սանսի «Ինտրոդուկցիա եւ ռոնդո-կապրիչիոզո»-ն՝ նվագախմբի հետ, որը տեղ գտավ Կանադայում թողարկված նոր ձայնասկավառակում: Այդ ձայնասկավառակում տեղ գտավ նաև համերգից ձայնագրված Սարասատեի «Գնչուական մեղեդիները», որը Օտտավայում կատարել էի նվագախմբի ընկերակցությամբ: Իմիջիայլոց, Սարասատեն միակ նյութը չէր, որ նվագել եմ այդ համերգին: Կատարեցի նաև Բրուխի Սոլ մինոր ջութակի կոնցերտը: Իմ եւ Նատալյա Մնացականյանի համար ուրախալի էր ելույթի հրավեր ստանալ հատկապես Տորոնտոյում գտնվող հայտնի Koerner Hall-ում: Ծրագրում ընդգրկեցի Արամ Խաչատրյանի «Այշայի պարը»՝ Հեյֆեցի փոխադրությամբ: Ուզում եմ թվարկել նաև Տորոնտոյում կայացած այլ համերգները՝ Պրոկոֆեևի թիվ 2 ջութակի կոնցերտը, Վիվալդիի «Տարվա եղանակներն» ամբողջությամբ՝ Glenn Gould Studio-ի դահլիճում: Բազմաթիվ համերգներ եմ ունեցել ԱՄՆ-ում՝ ամերիկացի դաշնակահար Ալիսոն Չերոֆի հետ՝ ծրագրում ընդգրկելով նաև Բադալասարյանի «Ռապսոդիան»: Մոնրեալում Նատալյա Մնացականյանի հետ ելույթ եմ ունեցել բազմաթիվ բեմերում, մենահամերգներով հանդես եկել Կանադայի տարբեր նահանգներում:

– Ի՞նչ ծրագրեր ունեք ապագայում:

– Ձայնագրում եմ Պագանինիի «24 կապրիսը»՝ իտալական ձայնասկավառակի համար, նաև Բրամսի բոլոր 3 սոնատները՝ ջութակի եւ դաշնամուրի համար: Վերջինիս ձայնասկավառակը լույս կտեսնի ԱՄՆ-ում: Հոլանդիայում էլ ձայնասկավառակ լույս կտեսնի, որը կընդգրկի Կարեն եւ Արամ Խաչատրյանների երաժշտությունը՝ ջութակի եւ դաշնամուրի համար:

– Կարծեմ՝ 2010-ից հաստատվել եք Կանադայում, արդյոք երաժիշտները աշխարհաքաղաքացիներ են, քանի որ երաժշտությունը համամարդկային լեզու է, թե ամեն դեպքում եւ ծագումը էական է, եւ կարիերայի վրա կարող է անդրադառնալ:

– Ուրիշ շատ երաժիշտների նման ես էլ ինձ աշխարհաքաղաքացի եմ զգում, քանի որ երաժշտությունը համամարդկային շփման միջոց է:

– Արդյոք նշանակություն ունի՞, թե ջութակահարն ինչ ջութակ է նվագում:

– Բնականաբար: Իմիջիայլոց, վերջին երեք տարիներին ինձ բախտ է վիճակվել նվագել լավագույն ջութակների վրա՝ թե Կանադայում, թե այլ երկրներում...

– Իսկ կոնկրետ Հայաստանի հետ կապված ի՞նչ ծրագրեր ունեք:

– Կուզենայի ավելի հաճախ ելույթ ունենալ Հայաստանում՝ նվագախմբի հետ:

Չրուցեց

ԳՈՂԱՐ ՀԱԿՈՒՅԱՆԸ

«Առավոտ»

16.11.2016

 Ամենակարևոր լուրերը Հայաստանից՝ Telegram-ում

🕒 Նոյեմբեր 17, 2016 13:30

Հավանել 0

Կիսվել

Share

Tweet

ԲԱԺԻՆՆԵՐ՝

«Առավոտ» օրաթերթ

, Մշակույթ

38,669 այցելություն, 2023-05-24-ին
ըստ Google Analytics-ի:

«Բիզնես» խորագրում հրապարակված նյութերը գովազդային բնույթի են:

© 1998 - 2023 Առավոտ – Լուրեր Հայաստանից



Website is made by Peyotto Technologies Lab.

Հրապարակման կանոններ Գովազդի պայմաններ Էթիկայի վարքականոն Հասցե եւ հեռախոսներ Աշխատակազմ